



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1715. usque ad annum 1718

**Fleury, Claude**

**August. Vind. [u.a.], 1782**

**VD18 13322648**

§. 12. Cardinalis Noailii appellatio ad futurum Concilium a Constitutione.

---

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

dit, simulque rogavit, ut hac in re multa  
 circumspeditione uteretur. Interim Car-  
 dinalis Biffyus quatuor Præfulum ac-  
 ceptionem tanquam sacræ Sedi, at-  
 que Episcopis injuriosam refellere ag-  
 gressus, eam septendecim vitiis scaterere  
 demonstrabat, & Rhemensis Archiepi-  
 scopus die vigesima Martii omnes Ec-  
 clesiasticos, qui acceptationem Consti-  
 tutionis revocarunt, vel eam impugna-  
 runt, ipso facto excommunicatos pro-  
 nuntiavit, nisi intra octiduum sese sub-  
 jecerint.

Sæc. XVIII.  
 A. C. 1717.

§. XII.

*Cardinalis Noailii appellatio ad fu-  
 turum Concilium.*

Interim in Galliis quamplurimi Reli-  
 gionis Zelo, & eruditionis fama ce-  
 leberrimi Viri contra quatuor Episco-  
 porum appellationem publice in arenam  
 descenderunt, & præcipue scriptum  
 quoddam, quo præfata appellatio pro  
 Canonica venditabatur, doctissimo ca-  
 lamo confutarunt: ceteris vero ejus-  
 modi scriptis palmam, & ipsius Pon-  
 tificis applausum sibi vendicabat illud,  
 in quo Author horum Præfulum appel-  
 lationem ad futurum Concilium cum  
 provocatione Lutheri & Pelagianorum  
 Episcoporum æquiparabat, demonstra-  
 batque,

*Lafiteau l. c.  
 Refut. du  
 Mem. des  
 Appell.  
 Acta publ.  
 Const. p. 276.*



Sæc. XVIII. batque, quod Galli Præsules ad tam  
 A. C. 1717. abominandi Archetypi monstrum sue  
 appellacionis imaginem efformarint,  
 aliunde vero exempla secuti fuerint hæ-  
 reticorum, qui soli a Bullis dogmaticis  
 appellarunt, & populum imo & sceminas  
 in doctrinæ Judices agnoverunt. Solidi  
 insuper calamo alius quidam Scriptor  
 sub auspiciis Thomæ Philippi de Bouffia  
 Mechliniensis Archiepiscopi commen-  
 tarium, quem Mirapicensis Episcopus  
 in favorem quatuor Episcoporum ap-  
 pellantium composuit, & nonnihil immu-  
 tatum tertio typis edidit, hoc anno die  
 vigesima Septembris confutavit: Cum  
 vero Cardinalis Noaillius horum Præ-  
 sulum appellacionem tam valide im-  
 pugnari, ipsumque Serenissimum Re-  
 gentem exilii pœnam contra hosce Epi-  
 scopos decretam nullatenus remittere  
 cerneret, literas ad Noaillium Ducem  
 Regenti exhibendas dedit, significans,  
 quod ipse, cum veritatis & patriarum  
 legum Defensores sibi Regentis patro-  
 cinium spondere haud possent, obtri-  
 ctus esset, præpedire, ne hi penitus op-  
 primerentur, ac propterea eorum quo-  
 que appellacioni adhærere statuisset.  
 Id ipsum die secunda Aprilis Cardina-  
 lis coram ipso Regni Regente declara-  
 vit, gravibus verbis ostendere conatus,  
 plurimum sua interesse, ut sua appel-  
 latio



latio publici juris fieret, priusquam Pontifex censuras suas vibraret, eapropter sequenti die mox suam appellationem ad Papam inelius edocendum & ad futurum Concilium confecit, in qua se D. Petri Cathedræ tanquam unitatis Catholicæ centro, a quo sese separare nunquam liceat, devotum, singulari veneratione Romanæ Ecclesiæ & D. Petri Successori adstrictum professus, fidelium consternationem & Neo-Convertorum offensionem deplorabat, ex Constitutione *Unigenitus* exortam, eoquod hæc plures fidei veritates, & solitas pietatis exercitationes damnare, hæreticorum contra Romanam Ecclesiam criminationes innovare, & Regni leges, Regum securitatem, Episcopatus jura, Facultatum privilegia atque Ecclesiæ Gallicanæ libertates convellere videatur, & laxioris doctrinæ Doctores Cl. Propositionum censura abutentes, novas suas opiniones circa Gratiam in fidei dogma erigant, e contrario autem hæretici divulgent, quod Ecclesia in essentialibus fidei doctrinis mutationem fecerit, & Clemens XI. Patrum doctrinam de gratia, & Christianæ morum doctrinæ præcipuas veritates sua censura everterit. Ad tollenda hæc mala, prosequabatur Noaillius, quadraginta Franciæ Præsules in  
sua

Sæc. XVIII.  
A. C. 1717.



Sæc. XVIII. sua Epistola Pastoralis, Constitutionis  
 A. C. 1717. sensum se quidem affectos esse arbi-  
 trati sunt, nos vero pro nobis magis  
 securum, Sedi sacræ magis honorifi-  
 cum, & Ecclesiæ magis utile imo &  
 necessarium censuimus, Constitutionis  
 intellectum ab ipsius Auctore expectare,  
 quocirca expositis nostris difficultatibus  
 de vero Constitutionis sensu edoceri per  
 integrum triennium postulavimus: ut  
 id eo facilius impetrarem, ipsimet  
 juncta Præsulum meritis inclytorum  
 opera speciem explicationis confecimus,  
 ubi exacte veritates credendas, & er-  
 rores vitandos a scholæ opinionibus se-  
 gregavimus, petentes, ut Pontifex vel  
 nostras explicationes confirmet, vel  
 ipsemet suam Bullam explicet: id vero  
 cum a Papa, aut a Serenissimi Regen-  
 tis patrocinio adeo non obtinere potue-  
 rimus, ut etiam plura Episcoporum  
 mandata ab Inquisitione fuissent dam-  
 nata, & per plura Pontificis decreta  
 quæstiones fidei judicandi jus Episco-  
 pis denegatum, necnon Constitutionis  
 utpote clarissimæ adhærere præceptum  
 fuisset, & tamen in pluribus ex dam-  
 natis propositionibus fidei dogmata ex-  
 sent proscripta, aliæ vero ex reflexio-  
 num libro vel minus fideliter extractæ  
 vel luculenter truncatæ, in alienum  
 sensum detortæ, aut minus exacte le-  
 guntur.



tine redditæ fuissent, hinc ex justitiæ Sæc. XVIII.  
 & pacis amore & schisma prævertendi A. C. 1717.  
 studio a Pontifice manifeste decepto &  
 Constitutione *Unigenitus* juxta Constan-  
 tiensis & Basileensis Concilii decreta ad  
 Pontificem melius edocendum & Con-  
 cilium Generale libere & in loco tuto  
 celebrandum Nos pro nostra Ecclesia,  
 utroque nostræ Diæcesis Clero, & om-  
 nibus nostræ appellationi adhærentibus  
 & adhæsuris appellamus &c. Hanc  
 tamen suam appellationem Noaillius  
 publici juris facere, nondum audebat,  
 sed eam in Curia suæ actis secretam  
 tenebat.

§. XIII.

*Cardinalis Noaillii responsum ad  
 Papæ literas.*

Jam dudum Cardinalis Noaillius pa-  
 ternam summi Pontificis epistolam  
 receperat, ad eam vero respondere us-  
 que ad octavam Maij diem cunctaba-  
 tur, ut objecto appellantium numero  
 & potentia tutius Pontificiæ indigna-  
 tionis severitatem eludere posset: Si-  
 mulabat in suis literis ingens gaudium  
 ob epistolam *propria Pontificis manu,*  
*atque a paterno ejus corde dictatam:* Ex-  
 tulerat amplissimis verbis ejusdem Pon-  
 tificis merita, & inde enatam summam  
 ejus

*Pfaff. acta  
 Const. p. 327.  
 Merc. Hist.  
 & Pol. Jan.  
 p. 61. & seq.*